



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Divi Bambergenses S. Henricvs Imperator S. Kvnegvndis  
Imperatrix S. Otho Episcopvs**

**Gretser, Jacob**

**Ingolstadii, 1611**

XVIII. De progressu eius in Caminam ciuitatem, vbi erat vxor Ducis, & de bonitate ac fide ipsius matrona.

**urn:nbn:de:hbz:466:1-41527**

De progressu eius in Caminam ciuitatem, vbi  
erat vxor Ducis; & de bonitate ac  
fide ipsius matronæ.

## CAPVT XVIII.

**H**ortè videor alicui nimis plenariè historiam ex-  
qui & longior esse, quàm in tali narratione oporteat. Quid sentis? *Sefridus.*

*Timo.* Perge, quæso, sicut cœpisti; dilectoribus siquidem Ottonis, quidquid de illo est, quoniam bonum est, superfluum aut longum videri non potest.

*Sefridus.* Ibo, inquit, vt vultis. Postquam confirmata & instructa est Ecclesia in Pirissa vberimè lacrymati, populoq; primitiuo nostro charo affectu valescentes, legatis nos deducuntibus, ad ciuitatem Ducis Caminam deuenimus. Erat *Camenum & cat Crom. lib. 6.*  
autem illic Ducissa, vxor videlicet Ducis legitima; & licet inter paganos, Christianæ tamen religionis, memor de nostro aduentu, lætissima efficitur, & cum omni domo sua tantò nos deuotissimè suscepit, quantò & hoc marito placere, sua que & illius salutis profuturum non dubitauit. Nobis etenim Pirisse demorantibus, omnia quæ illic gerebantur, immisis clam exploratoribus, diligenter edidit, magnoque tripudio cordis, de illuminatione illius plebis exultans, ipsa quoque suæ fidei scintillam, quasi sub mortuis cineribus eatenus consopitam, inter suos familiares modeste primò, deinde fiducialius apud omnes, quos potuit, ventilare cœpit. Et quia scriptum est; *Eccles. 11. de scintilla consurgit ignis;* totam illam ciuitatem ante nostrum introitum tantus ardor fidei sanctæ, operante Domino, per matronam, inuaserat, vt non solum nihil contradictionis, verùm etiam totius populi consensum de suscipiendo baptismo inuenimus in multa gaudij plenitudine.

*Ducissa Pomerania, s. Oibonem maxima charitate excipit.*

*Eccles. 11.*